

B. C. D.

DISSERTATIO MEDICA INAUGURALIS
DE
COHIBENDIS POTIUS
QUAM PROMOVENDIS
HÆMORRHOIDIBUS
QUAM
SUB AUSPICIIS DIVINIS
CONSENSU ET AUTORITATE
GRATIOSÆ FACULTATIS
MEDICÆ
PRO LICENTIA
SUMMOS IN ARTE MEDICA HONORES
ET PRIVILEGIA DOCTORALIA
LEGITIME CAPESSENDI
SOLENNI ERUDITORUM DISQUISITIONI
EXPONET
CHRISTOPH. PHILIP. THEOPH.
DRAUD,

JUGENHEMIO - DARMSTADINUS
AD DIEM XIX. AUGUSTI ANNO MDCCXLIX.

ARGENTORATI,
EX OFFICINA PAUSCHINGERIANA.

§. XX.

Dum vero dicto modo (§. 19.) præcavere aut cohibere hæmorrhoidalem fluxum suademus, cautelæ tamen simul, sub quibus hæc nostra methodus convenire, & sub quibus minus efficax esse potest, a nobis afferendæ sunt. Erit huic nostræ methodo locus, eritque necessario in actum deducenda, quotiescunque in subjecto quodam sanguineo, plethorico præcipue juniore, adsunt molimina hæmorrhoidalia, (§. 5. n. 6.) hæmorrhoides fluere volentes indicantia, ubi per nostram methodum, revulsione nimirum, orgasmi temperatione, spissorum humorum attenuatione & denique roboratione vasorum administrata, (§. 19.) motus & turbæ hæc discutientur iterum, nec fluent hæmorrhoides, nec aliæ noxæ sublata causa hæmorrhoidum plethora nimirum &c. (§. 7. & 13.) orientur. Vel si jam fluxere semel vel aliquoties hæmorrhoides, hoc tamen non impedit, imo potius conducit & indicatur, ut extra fluxus tempus (§. 19.) methodo nostra, ne in habitum degenerant, efficiamus, atque ne laxatis magis magisque hisce vasis, sanguinis impetus maximus eo semper feratur, ut tandem evacuatio habitualis & consueta inde oriatur. Sic enim, tuto multos a fluxu hoc iterum liberari posse, & ab omnibus periculis ab hæmorrhoidali fluxu metuentis per vitam immunes præstari, confidimus. Et adhibenda est hæc methodus tam in externis, quam internis; in apertis æque ac cæcis. Quod in nimis talis methodus administranda sit, nullum Medicorum contradicentem forsitan habeo, & quilibet eas cicurari vix alio modo posse sponte mihi largietur. Nec illæ, quæ hæreditario jure sunt acquisitæ, curam radicalem, si in tempore illas modo prædicto aggredimur,

mur, respuunt. Si albæ sunt, præter indicationes memoratas, humorum correctioni præcipue insistentum est. Feminino sexui, si eadem contingunt, cum ut plurimum mensium negotium turbatum arguant, ad illud in ordinem redigendum in indicationibus suis omnem suam operam impendere debet Medicus.

Quod si vero per multiplices & reiteratas vices jam fluxere hæmorrhoides, si longa mora involuere, in habitum & consuetudinem abiire, tunc quidem fateri cogimur, & ipsi suasores existimus, ut tolerantur potius, & foveantur, quam per longam annorum seriem debilitatorum vasorum tonum restaurare in artis potentia non semper positum sit, cumque jam huc impetus humorum diu vergat illos avertere & revellere vix possibile & consultum erit. Tunc vero hæmorrhoides perinde ac ulcera antiqua, fonticuli, fœtores alarum, sudores pedum aliæque impurorum humorum excretiones patienter ferendæ sunt, & minus quoddam incommodum quod multa graviora præcavet, semper præferri debet, secundum effatum *Divi SENIS Aph. S. VI. n. 12. hæmorrhoidas curanti diuturnas, nisi una servata fuerit, periculum est, ne hydrops superveniat aut tabes.* Quod in illis subjectis, quibus nunquam fluxere, quæ tamen milimina persentiscunt, vel quibus haud ita sæpius evenere, non ita tolerandam erit, quin potius iis, ob allegatas rationes hæmorrhoides cohibendas potius quam promovendas esse concludimus.



pharmaca acriora, stimulantia, præcipue pilulas purgantes resinofas inducta fit, (§. 17.) adeoque quod exinde necessario concludendum & studendum fit huic morbo, his noxis inde emanantibus omnibusque his memoratis incommodis potius obviam eundum, fluxusque potius cohibendus & magis consultum fit miseriae hæc præcavere quam promovere.

§. XIX.

Annon vero ipsimet in scyllam incidemus, dum evitare volumus charybdim, & anne tuto satis nostrum propositum in actum deducere poterimus. Cum enim a suppresso fluxu tot mala, tot pericula (§. 5. n. 6. & §. 11.) exoriantur, nonne a cohibito eadem pertimescenda erunt? Verum quidem est, si eo tempore, quo fluunt hæmorrhoides actu illas sistere adstringentibus vel anodynis, fluxumque sic impedire vellemus, minus rationales Medicos ageremus, imo in vitanda mala potius præcipiti lapsu detruderemus ægrum nostrum. Ast, quando cessare hæmorrhoides, quando sui vestigium non amplius relinquunt, ne alio tempore denuo recurrant, molestias faceffant subjecto, tunc locus tempusque conceditur moliminibus, futuroque fluxui obviam eundi, & si tunc methodum rationalem adhibemus, qua fluxus præcaveretur & avertitur, tunc nihil finistri pertimescere debemus, & hoc vocamus cohibere hæmorrhoides. (§. 13.) Methodus vero, qua cohibentur hæmorrhoides, si rationalis esse debet, tuta etiam sit oportet, est vero nostra mox proponenda talis, quia non solum per illam æque ac per hæmorrhoides plethora imminuitur, incommoda ab eadem oriunda præcaventur, sed &, quod potissimum est,

D

quia

quia ab omnium, quos hæmorrhoides inducere possunt, morborum metu, sic liberatur hæmorrhoidarius æger.

Obtinebit vero hoc beneficium, dum ipsi

I. *Sanguinis abundantiam per Venæ sectionem* unam aut aliquot in brachio institutas *imminuimus*, simul vero sic humores a loco debilitato avocamus, revulsionemque eorundem efficimus.

II. *Orgasnum humorum temperamus, eosdem attenuamus, spissitudinem eorum corrigimus, indeque natos spasmos demulcemos*, quod per pulveres antispasmodicos, nitrum præcipue larga manu datum, potum sufficientem, juscula pullorum, ptisanas refrigerantes, acidulas, resolventes & alterantes leniores Teinacenses, Selteranas, Andegastenses, Grisbacenses, balnea præcipue domestica aut temperatiora naturalia, clysmata demulcentia, laxantia denique minorativa optime præstamus.

Sanguine vero atque humoribus ad superiora sic revulsis, temperatis, attenuatis, stasique in vasis hæmorrhoidalibus ani sublata, ipsamet nunc vasa intestini recti imminuto volumine & pressione liquidorum ex parte jam tonum suum recuperabunt, *illi vero*

III. *Qui adhuc deficit tono prospicimus* per rhabarbarina, martialia, acidulas Marte imbutas, quæ etiam subinde sub clysmatis forma in anum injici possunt, motum quoque in aëre puro sereno cum horum martialium usu conjungendo, evitando insuper in causis occasionalibus & diæta sollicitè, omnia ea, quæ nostro morbo & causam (§. 7.) & recidivam (§. 15.) præbere diximus.

A
MONSIEUR
CHRISTOPHE ADAM
WALTHER,

Marchand tres renommé
de la Ville de Schweinfurth

MONSIEUR

mon tres cher Oncle!

L*Es differens bienfaits que de ma tendre jeunesse j'ay
recû de VOUS, comme d'un de mes proches Pa-
rens, dont les bontés infinies ont toujours biens vou-
lû me tenir lieu de Pere, sont pour moy des mo-
tifs si puissans, qu'ils m'engagent avec plaisir, a VOUS
rendre, non seulement aujourd'huy, des temoignages pu-
blics de la plus vive reconnoissance, que je VOUS dois a ce
sujet, mais encore a ne me jamais permettre de laisser echap-
per la moindre occasion, de VOUS assurer de cette verité.*

Oui,

Oui , MON TRES CHER ONCLE , ce sont ces memes bontés paternelles , qui , secondées par mon devoir , m'ont inspiré le dessein de VOUS offrir en ce jour le Pre-mices de mes Academies. Faites moy donc la Grace , je VOUS supplie , de les regarder , en les agreant , d'un oeil aussi favorable , que je suis respectueux en VOUS les presentant : Je tiendray le tout à grand honneur , si j'ay le bonheur de reussir dans mes Veües. Quel but plus noble pourrai je me proposer que de VOUS plaire , & de meriter par la Votre Bienveillance.

Au reste , je VOUS prie MONSIEUR , d'etre persuadé que , tant qu'il coulera une goutte de sang dans mes veines , je ne cesserai jamais de VOUS convaincre des sentimens les plus tendres & de l'attachement le plus respectueux , avec le quel j'ay l'honneur d'être


MONSIEUR,

mon tres cher Oncle,

à Strasbourg,
ce 19. Aoüst. 1749.

*Votre tres humble & tres obeissant
Serviteur & Neveux*

Christ. Phil. Theoph. Draud.



PRÆFATIO.



Uamvis miserum satis sit mortalium genus, quod ab innumeris morborum catervis plectatur, quodque ne quidem per unicum vitæ suæ momentum a morbis tutum securumque existere possit, quin, ut a morbo quodam opprimatur: ipsi semper metuendum sit; fuere tamen nullo non tempore Medici, qui morbos quosdam, corpori humano obvenientes, summo ejusdem beneficio contingere autumabant, quique, ut salus hominum firmior constantiorque esse queat, certa mala iisdem optanda, procuranda, & promovenda esse contendebant. Inde factum, quod febres intermittentes, diarrhœas, efflorescentias varias cutaneas, ipsa exanthemata, hæmorrhagias quasdam pro salutari naturæ conamine, corpus ab incommodis liberare vel factum tectumque conservare volentis, habuerint; imo omni studio hæcce energię vitalis molimina secundare, adjuvare & in actum deducere, allaboraverint. Hæmorrhoides præcipue circa finem præterlapsi sæculi, perque dimidium

A

hoc

hoc nostrum ex horum morborum censu exstiteret, ut multi eruditione conspicui Medici de illis affererent, quod, si rite procedant, eas non solum eorum, quibus eveniunt, corpus ab incommodis immune præstare; sed &, quoniam auro cariores sunt æstimandæ, omnibus fere valetudinariis, ad molestias suas profligandas, imo omnibus pene hominibus ad morbos futuros præcavendos, ciendas esse existimarent. Verum enim vero, licet per accidens sæpe unus morbus alterum curet, non tamen illud corpori inde eveniens beneficium tantum tamque insigne est, ut non omni morbo potius supersedere malit quilibet mortalium, idque eo magis, si absque tali morbo, æque ab incommodis variis præservari ac curari potest, & si multis potius tam acutis, quam chronicis morbis, per tale procuratum ipsi emolumentum, porta potius panditur. Quod autem hoc ab hæmorrhoidali fluxu tolerato aut provocato maximopere metuendum sit, & *quod rationalis magis sit illa methodus, quæ cohibere illum, quam promovere docet*, præsentibus pagellis tenui calamo delineare annitar. DEUM T. O. M. ardentibus ideo invoco precibus, ut & hos conatus & omnia, quæ in posterum a me suscipientur, in Ter Sancti Sui Nominis gloriam, proximi salutem, meumque commodum vergere jubeat. Tu, *Benevole Lector*, quod beneficium quoddam tibi eripere studeam, non succense, nec me invidum bonorum proximi existima, sed potius tanquam Medicum, me malorum proximi averruncum, evadere velle crede, quin igitur faventem te experiar & errores condonantem, non dubito.

§. I.

Humor corporis nostri rubicundus in arteriis
venisque primi generis reperiundus, sanguis-
que dictus, licet laudabilis blandusque omni-
modo existat, nec ulla particularum vitiata
qualitate peccet; sola tamen sui abundantia, vasis, in
quibus continetur, molestus, sicque simul corpori
noxius evadere potest. Arteriæ enim atque venæ
sanguinem coërcentes, si nimis liquido hocce turgent,
a mole ejusdem, in parietes canalium flexiles pre-
mente, distenduntur; ultra elaterem suum dilatan-
tur; nec eidem resistendo ac movendo pares ampli-
us manent. Cor etiam pondere atque mole nemii
sanguinis magis irritatum, fortiolem in systolem in-
citatur, atque irruentem cruorem celerioribus undis
de se amoliri nititur. Hinc velocior sanguinis circu-
latio, orgasmus, æstus, tenuioris dissipatio, reliqui
inspissatio oriuntur, febres, per consequens, conge-
stiones, obstructions, inflammationes, omniaque
mala, quæ plethora commota alias causatur, exinde
producuntur. Fortiori vero tali impetu vasa san-
guifera ita nonnunquam dilatantur ac ampliantur, ut
æstuans & undosus sanguis, minus resistentibus vasis
sanguineis in dilatata ora serosorum lymphaticorum
& ulteriorum vasorum irrumpat, urgeatur, & tan-
dem per ultima vasculorum lateralium oscula vel per
anastomosin exstillet; vel ruptis plane cataractis &
parietibus eorundem per diæresin profluat, sicque
hæmorrhagias faciat.

§. II.

Variæ tamen sunt hæmorrhagiæ, (§. i.) & in va-
riis corporis locis contingunt. Prouti enim vel ob
inna-

innatam corpori certis in locis præ aliis debilitatem, systema vasorum ibidem magis relaxatum est, vel a variis causis prægressis & occasionalibus idem quibusdam in partibus atonia affectum est, ut, sanguini ob remotiorum partium stricturas cum impetu ad ad talia loca pulso, vasa hæcce minus resistere queant, sicque majorem quam capere aut reprimere possunt quantitatem admittere cogantur; necessario tunc temporis, in hoc vel illo corporis loco per arteriolas venulasque laterales sanguis sibi exitum quaeret, tantemque vi erumpet; unde diversæ tunc hæmorrhagiæ oriuntur. Sic, si sanguis per membranæ pituitariæ oscula vasorum aperta exstillat, *navium* tunc *hæmorrhagiæ* nomine venit. Si per spongiosum pulmonum viscus erumpit, *hæmoptysis*. Si ex ventriculo effunditur, *vomitus cruentus*: si e renum tubulis exsudat, *miçtus cruentus* salutatur. Uteri oscula aperta, si sanguinem fundunt, *hæmorrhagia uteri* oritur. Si tandem ex intestini recti aut ani vasis profluit, *Hæmorrhoides* seu *fluxus hæmorrhoidalis* nuncupatur.

§. III.

Hæmorrhoides nunc, vi *etymologiæ* suæ ab αἷμα sanguis & ῥέω fluo, derivantur, denotantque quodcunque sanguinis profluvium, e quocunque corporis loco contingens. Proprie autem & ordinarie *hæmorrhoides* *definiri* debent, quod sint sanguinis ad intestini recti vasa sanguifera, sive arteriosa, sive venosa, hæmorrhoidalia dicta, congestio, aut per eadem aperta, evacuatio. Germanis ob auro pretiosiorum, quem corpori præstare quidam crediderunt effectum, *die güldene Alder*, vocantur.

§. IV.

§. IV.

Quum vero fluxum hæmorrhoidalem sanguinis ex ano evacuationem nominavimus; (§. 3.) non confundendus tamen erit cum aliis evacuationibus sanguineis, itidem per huncce locum contingentibus, aliunde provenientiibus. Sic

I. A *dysenteria sanguinea probe distinguendus erit* noster fluxus, utpote in qua tormina & cruciatus immanes, aut circa regionem umbilici, aut in hypochondriis concurrunt, continuusque adest tenesmus, cum excretionem quidem materiæ, sed parca in quantitate; quid quod utplurimum febris inflammatoria conjungitur.

II. A *fluxu hepatico*; ubi fere absque ullis torminibus & tenesmo, sanguis instar loturæ carnis dilutus excernitur; ex ramis, vel arteriæ meseraicæ superioris, vel venæ meseraicæ magnæ, apertis nimis, ortus. Et cum in intestina præcipue tenuia, initiumque crassorum, sese aperiant hæcce vasa, hinc in intestina licet effusus sincerus sanguis in transitu & via intestinali lymphæ continuo ablutus admodum aquosus sic & blandus evacuatur.

§. V.

Dividuntur hæmorrhoides

I. in *apertas* five *fluentes*, & in *cæcas* seu *clausas*.

Apertæ dicuntur, si ex vasorum hæmorrhoidalium vel luminibus dilatatis eorundum parietibus disruptis, sanguis sincerus effluit, & tunc vocari etiam solent fluxus hæmorrhoidalis. Si vero intra dicta vasa continetur & stagnat sanguis, nec exitum suum invenit, sed potius vasa ipsa obstruit, extendit, intestinique recti finem seu limbum i. e. anum angustat,

stat, imo summum dolorem ibidem excitat, cæcæ tunc vocantur hæ hæmorrhoides.

Quæ iterum vel *tumentes*, vel *turgentes* existunt.

Priores, quæ proprie hæmorrhoides cæcæ vocantur, tumorem inflammatorium, pulsantem, lancinantem, intra limbum ani delitescentem, ac profunde in pinguedine immersum, furunculi instar formant, occlusæ manent, imo sæpissime in abscessum & fistulam degenerant. Turgentes vero sunt fines vasculorum in sacculum vel vesiculam dilatatæ, sanguine multum turgidæ, & instar nuclei vel sabæ in fine intestini recti hærentes, sæpeque a scybalis prementibus rumpuntur, & in fluentes mutantur. Conf. *Excell. JUNCERI Consp. Med. Pract.* Tab. XI. p. 67. & XII. p. 78.

II. In *internas* & *externas* dividuntur.

Internæ sunt, quæ sanguinem vel ab arteria meseraica inferiori, ad intestinum rectum ramos insignes, sub nomine arteriæ hæmorrhoidalis mittente, vid. *Acutissimi WINSLOW Expos. Anat.* Tom. III. *Traité des Arteres* n. 213., vel a vena hæmorrhoidali interna sive meseraica parva, in ramum splenicum venæ portæ ventralis sese exonerante, in majori utplurimum copia, post excretionem demum profundunt. Externæ vero dicuntur, quæ sanguinem vel ab arteriis hæmorrhoidalibus externis, hypogastricæ seu iliacæ internæ propagine, vel a venis hæmorrhoidalibus externis, in hypogastricam sive iliacam internam venæ cavæ cruorem eructantibus, conf. iterum WINSLOW l. c. *Traité des Veines* n. 183. parcius, imo rarius evacuant. Hinc sub specie nodorum potius in ano conspiciendæ sunt, tumoremque utplurimum dolorificum efficiunt. Cæcæ hæ
frecuen-

frequentius existunt, & a scybalis, vasa comprimentibus, quandoque oriuntur, quandoque ab iisdem aperiuntur, & tunc ante eadem excreta sanguis in conspectum venit.

III. In *modicas* seu *ordinatas*, ac *immodicas* seu *nimias* illas quoque dispecimus.

Si parce fluunt, nec corpori detrimentum afferunt, modicæ sunt. Si vero vel nimis magna quantitas sanguinis brevi temporis spatio perditur, vel nimis diu durat, vel cito nimis recurrit, corpusque inde multum debilitatur, tunc utique nimix vel immodicæ adpellandæ sunt. *evol. III. HAMBERGERI, Patroni atque Præceptoris pio semper cultu a me prosequendi Dissert. quæ exponit Doctrinam generalem de Hæmorrhoidibus §. 46.* Tales sunt sæpe internæ, & vel ex dilatatis arteriis vel ex disruptis venis erumpere sanguinem, si immoderatus est hic fluxus & cum impetu contingit, sic palam fit.

IV. In *rubras* five *sanguineas* & *albas* five *mucosas* aut *decolores* easdem quoque distinguimus.

Si ergo sanguis sincerus exit, rubræ; si vero mucus aut pituita quædam albicans exit, & quidem vel solitarie, vel sanguinem ipsum præcedens, comitans aut sequens, albæ tunc sunt nominandæ.

V. Aliæ etiam sunt *periodicæ*, aliæ autem *vagæ*.

Si nimirum certo ac statò tempore redeunt, ita, ut vel singulis mensibus, (ubi, si viris accidunt, *menstrua virorum* adpellantur) vel tribus quibusvis mensibus, vel quolibet semestri, vel quotannis recurrant, periodicæ existunt. *Doctissimi STAHLII Theorie Med. vera Sect. II. Pathol. Artic. IV. de Hæmorrhoidum fluxu p. 745.* Si vero nulli certo sese adstringunt tempori, vagas easdem nominare licebit.

VI. In

VI. In *imminentes* quoque, *præsentes* & *suppres-*
sas, illas dividimus.

Quamdiu nondum fluit sanguis, sed solummodo tormina ventris & colica illa, quæ hæmorrhoidalis dicitur, dolor lumborum spasticus, tensio & inflatio abdominalis, tenesmus & stimulus ad desidendum, tumores in ano, imo in toto corpore lassitudines, pulsus durus, frequens, plenus, dolores capitis, angustiae præcordiorum, urina tenuis, alvus clausa, aliaque symptomata concurrunt, quæ sub nomine moliminum hæmorrhoidalium veniunt, tamdiu imminentes vocantur. JUNCKERUS l. c. Tab. XI. p. 68. Si vero tandem subsequitur evacuatio sanguinis, præsentes eadem sunt. At si quacunque a causa fluxus hicce vel emanet, vel intercipitur & turbatur, suppressæ hæmorrhoides tunc temporis dicuntur.

VII. In *congruas* etiam & *incongruas* easdem se jungimus.

Si sexui masculino in virili aut senili ætate contingunt, congruæ nobis audiunt. Si autem infanti aut juvenili jam præsto sunt ætati, tunc incongruæ censendæ, quo etiam mulierum hæmorrhoides referre licet, quæ quandoque menstruorum vicariæ, quandoque comites existere solent. Vide sis *Cel. HOFFMANNI Med. Rat. Syst. Tom. III. Sect. I. Cap. IX. §. 12.*

VIII. In *criticas* & *salutares* denique, atque in *symptomaticas* & *minus salubres* eas dispescimus.

Priores cum euphoria ægri contingunt, & multos morbos rebelles solvunt. Posteriores vero sanitatem labilem potius reddunt & multis incommodis portam pandunt.

§. VI.

Tradita sic differentia (§. 5.) variarum specierum hæmorrhoidum, eo ipso jam illas a se invicem dignoscere & per sua *signa* cognoscere potest quilibet in Medicina versatus. Si enim quidam, hæmorrhoidalem fluxum nunquam expertus antea, incipit molestarti torminibus ventris, abdominis & hypochondriorum tensione, spasticis dorfi, lumborum, ossisque sacri doloribus, alvo clausa, atque tenesmo, si in intestini recti fine nodum vel nucleum quasi hærentem sentit, urina cruda, paucaque emingitur; si cephalalgia gravativa detinetur; flatu, anorexia ac nausea corripitur; horripilationibus æstibusque vagis tentatur cum siti pulsu pleno, duro ac tenso; &c. Ex hisce omnibus, vel quoad maximam partem, vel sigillatim affligentibus, symptomatibus, Medicus Semiotices gnarus, hæmorrhoidum conamina cognoscet, hasque exitum moliri pro certo concludit. Si vero sanguis, vel ob viarum angustias, vel ob propriam spissitudinem, erumpere hic non potest, tunc tumores varii, sacculi aut vesiculæ circa ani limbum enascuntur, (§. 5. n. 1.) qui cæcas tunc & quidem vel tumentes, vel turgentes efformant hæmorrhoides. Ast, si ob sanguinis vel nimiam fluiditatem, vel ejusdem impetum ferociorem oscula lateralium vasorum nimium distenduntur, imo crepant, sanguis sic ex orificiis ultimis hæmorrhoidalium vasorum exprimitur. Ita quidem, ut si pauca solum vasa, & præsertim hæmorrhoidalia externa varicosa antea rumpantur, striæ tantum sanguineæ excrementis intermixtæ adpareant; ex quo externas hæmorrhoides solummodo adesse agnoscimus. Si vero internæ, vel arteriæ vel venæ laterales & ultimæ,

B

sanguis

sanguini patent, tunc sincerus ac copiosus, (§. 5. n. 2.) quandoque tenuis & floridus satis, quandoque spissus & nigricans, evacuatur cruor. Et internas præsentēs esse hæmorrhoides tunc concludendum. Si loco humoris rubri, mucus quidam cum tenesmo & dolore in regione ossis sacri & coccygis, exit, albas tunc esse hæmorrhoides indicatur.

§. VII.

Cum nullibi locorum in C. H. hæmorrhagia contingere possit, nisi laxata præternaturaliter oscula atque parietes vasorum existant, (§. 1.) locusque vel viscus illud antea debilitatum & morboſa atonia affectum sit, ut sanguini, impetu & vi moto, minus resistere eundemque non amplius repellere possint; cum etiam locus debilitatus majorem ordinarie quantitatem sanguinis, quam reliquæ partes admittere cogatur, præcipue, quando, ob remotiorum strictiones, aditus sanguini ad eas denegatur, non mirum, ab irruente nimio cum impetu & nimia in quantitate sanguine ad vasa jam prævie a tono dejecta, urgente semper a tergo novo liquido orgastice expanso diametrum tunc lateralium & non sanguiferorum vasculorum ita ampliari, eademque ita patere, ut continuante pressione a tergo tandem per ultima oscula exitum sibi quærat sanguis, aut, si lateralium oscula nimis resistunt, dum omnis impetus in parietes vasorum contingit, hosce eidem sustinendo minus pares dehiscere, interstitia fieri, sicque exsudare debere cruorem. Sic igitur, si arteriæ vel venæ intestini recti (§. 3. & 4. n. 2.) a quacunque prægressa causa relaxatæ nimis existunt, hæ præ aliis corporis humani vasis (§. 2.), sanguinem in majori quantitate
reci-

recipere ac admittere , tandemque cavitatis auctæ morbum pati debent , in quo quidem *causa* hæmorrhoidalis morbi *proxima* consistit , in apertis nimirum & ultra diametrum naturalem dilatatis vasis hæmorrhoidalibus , vel internis vel externis arteriosis interdum , interdum venosis (§. 5. n. 2.)

Non vero hæmorrhagiæ periculum incurrerent ullum , si nimio humore non replerentur atque infarcirentur vasa , si etiam humoris abundantis motus , æquabilis satis , nec citatus nimis , existeret , si que tenuis satis & fluxilis esset sanguis. Ast si sanguine , ad crepaturam usque turgent canales , si expansus , nimiumque orgastice commotus est idem , si ob fortem circulum subtiliori liquido difflato reliquus spissescit , in minimis vasculis compingitur , spissior aut acrior fit , exinde obstructionibus , dilatationibus , rupturis vasorum , hæmorrhagiisque ansa præbetur , *Immortalis BOERHAAVIUS* in cedro dignis *Aph. de Cognosc. & cur. morb.* §. 120. inquit , *nata in corpore vivo obstructio impedit transitum fluxuræ materiæ ; reliqua impingentia sistit ; horum actionem excipit ; subtiliora exprimit ; adunat crassiora ; vas extendit , dilatât , attenuat , solvit.* Plethora hinc præcipue commota , siue quantitas sanguinis vel qualitas ejusdem spissa , pro *causis remotis* hæmorrhoidum accusare debent veris.

Illæ vero *causæ* , quæ vasa intestini recti aut debilitare , aut quocunque alio modo sanguinem huc pellere , sicque huic incommodo fomitem subdere possunt , *occasionales* dici solent. Inter has portiora loca tuentur aër calidior , imo & tempestas frigidior ; cibi porro lauti , eupepti , acres , aromatici , saliti ; potus itidem liberalis vinorum generosorum aut liquorum spirituosorum ; motus insuper corporis fortior , præcipue equitatione institutus ; nec mi-

nus suppressiones evacuationum naturalium v. g. menstruorum in feminis, ut & in utroque sexu artificialium evacuationum neglectus: Huc insuper pertinent temperamentum sanguineum, sanguineo melancholicum, animi pathemata tristitia, Veneris exercitium immoderatum & feruidum; status graviditatis; obstructions pertinaces alvinæ ac scybala hinc duriora; abusus pharmacorum purgantium, irritantium, resinosorum & præcipue pilularum, salinorum, colocynthiacorum, helleboratorum &c.; ut & vita sedentaria otiosa, tandemque hæreditaria labes.

§. VIII.

Quosnam vero per hæc prædictas (§. 7.) causas hæmorrhoidalis fluxus in C. H. producat *effectus* vel *prosperos* vel *noxios* nunc quoque inquirere lubet, ut propositi nostri scopum eo melius attingamus & firmemus. Si congruæ & moderatæ sunt, fluentes internæ, plethoram sæpe imminuunt, orgasmmum sedant; congestiones, infarctus, ac obstructions viscerum abdominalium, horumque spasticas stricturas mitigant ac tollunt. Remotiorum etiam partium v. g. thoracis, capitis, cerebri, oculorum, auriumque affectus revulsionem humorum præstando, auferunt. Et, præter quod omnia illa molesta symptomata, quæ sub moliminum hæmorrhoidalium nomine veniunt, profligent, si rite ad fluorem deducuntur, ita integram sæpe legionem morborum, alias satis rebellium, feliciter prosterunt & abigunt. Ita quidem, ut mania, cephalæa, melancholia, nephritis, arthritidis, podagra, hydrops, asthma, cardialgia, colicæ, convulsiones, malumque hypochondriacum iisdem plus una vice eradicata fuerint

fuerint & è medio sublata feliciter , imo iis absque impedimento regulariter fluentibus multi ad Nestoris annos canamque & vegetam senectam deducti fuerint.

§. IX.

Ita sane est! audire mihi videor exclamare hæmorrhoidariorum patronorum tumultuariam turbam, hisce emolumentis (§. 8.) fruuntur ii , quibus faventissima fors hæmorrhoides summa ipforum salute concessit, & ob hocce eximium beneficium hi soli mortalium beati prædicandi sunt. Si itaque bona amicis precari volumus , hæmorrhoides potius, quam aurum & Indiæ divitiæ, iis optandæ; cum videlicet aurum, sine sanitate nil juvet; sanitas vero absque hæmorrhoidali fluxu stare non possit. Quin igitur artis operam omnem in eo collocant genuini Æsculapii filii, ut fluxum huncce vel provocent, vel promoveant, vel conservent. Ast arrige aures paulisper! atque si non plane hæmorrhoidum dulci amore captus, & præiudicio occæcatus es, quot e contra pericula hæmorrhoidarios circumstent, quotque *noxæ* ex iisdem, quasi ex Pandoræ pyxide, exurgant, & quam care hocce beneficium multi emant, placidus audi. Si impeditus enim est hæmorrhoidum effluxus, ob sanguinem spissum vasculisque minoribus firmiter impactum, vel *si nimis parva & angusta sunt vasa*, præcipue *hæmorrhoidalia externa*, (§. 5. n. 2. & 3. §. 6.) ut exitum invenire nequeat sanguis, molimina sæpius jam citata, (§. 5. n. 6. & §. 6. & 7.) seu hæmorrhoidalia accidentia admodum dolorifica, maximas molestias subjecto suo faceffunt; tormina præcipue variaque colica ac spastica sympto-

mata in abdomine multum excruciant miseros. In ano præcipue , & vasis hæmorrhoidalibus externis, ubi exitum molitur sanguis, oriuntur tubercula, (§. 5. n. 1.) vasorumque inflammationes varicosæ ac aneurismaticæ variæ , hæmorrhoides ut plurimum cæcæ dictæ , quæ multoties dolentes, pulsantes , rubentes , ac tumentes fiunt, ut non solum inde ani orificium penitus obturetur, fecesque summis cum cruciatibus, ejulatibus & anxietatibus , imo syncope ipsa, quandoque exprimantur ; verum etiam ficus & mariscæ in ano inde oriantur. Inflammatio insuper horum furunculorum, quæ ob arteriolas pinguedini profunde immerfas, vix discuti potest, in supurationem vix non semper vergit, quæ quidem in pinguedine aut intestino recto ipso sic contingens, raro pus bonum & laudabile fundit, quin non exinde ulcus mali moris, cuniculos agens, imo fistula ani, curatu difficillima, sæpiissime producat. Vel etiam, quando ex externis, impeditæ succedentibus, sanguis rite non effluit, sed ad interiora magis regurgitat, dum arteria hæmorrhoidalis externa hypogastricæ sive iliacæ internæ soboles existit æque cum iliaca externa truncoque iliacorum communi continuatur, quod & de vena hæmorrhoidali intelligendum, utpote quæ in venæ cavæ iliacam internam seu hypogastricam & iliacam externam iliacasque communes propagatur, (§. 5. n. 2.) omnia tunc ab hisce vasis sanguinem accipientia viscera in pelvi locata & extremitates interiores inde quoque plectuntur, obstruuntur, in consensum trahuntur, ut nephritica calculosa, hysterica, ischiadica, arthritica, podagricaque inde oriantur tormenta.

§. X.

Internæ hæmorrhoides, si nimiae existunt & immodicæ, uti omnes hæmorrhagiæ, quæ effrenes sunt, non solum corpus multum debilitant, vires exhauriunt, tonumque solidarum partium destrunt, & laudabilem nutritiumque succum corpori detrahunt; sed & cruorem ipsum rubicundis & optimis suis particulis privant, sicque sanguinem aquosum viscidum atque tenacem efficiunt; quo simul digestio, chylificatio, sanguificatio, omnesque secretiones, ut & ipsa corporis nutritio imperfecte contingunt. Corpus sic exsuccum fit & extenuatur; tabe, atrophia, febre lenta conficitur; infarctus itidem & obstructiones viscerum abdominalium, hepatis scilicet, lienis, glandularum mesenterii inde fiunt; quas deinde œdemata, hydropisque variæ species, presso pede sequuntur. Nec minus in corde, majoribusque vasis, ob elaterem eorum multum imminutum, polyposæ concretiones efformantur, unde deinde cordis palpitationes, asthmata, anxietatesque præcordiorum simul enascuntur, quibus tandem febris & hydrops pectoris nonnunquam etiam catarrhus suffocativus aut apoplexia serosa finem imponere solet.

§. XI.

Non minora vero, nec pauciora *pericula* imminent illis, quibus *hæmorrhoides internæ*, præsentibus licet conaminibus, (§. 5. n. 6.) *vel plane non erumpere queunt*, vel si fluunt, subito *supprimuntur*, nec iterum reproduci possunt. His enim præcipue, beneficis hic morbus, quasi anguis in sinu enutritus, insidias struit, eosque millenis modis misere opprimit, imo

imo tandem impune jugulat. Cum enim arteria hæmorrhoidalis interna, meseraicæ inferioris propago sit satis notabilis, hæcque meseraica non solum intestinis crassis, sinistri potissimum lateris, prospiciat, verum etiam cum meseraica superiore arcu anastomaseos insigni coëat, conf. WINSLOW l. c. *Traité des Arteres* §. 204. sicque cum omnibus visceribus in abdominis cavo locatis communicet, si sic ex hæmorrhoidalis internæ osculis sanguis erumpere non potest in laxatis vasis coacervatur, & cum impetus a tergo continuet ad superiora vasa ramos truncumque & viciniam regurgitat sanguis, hinc in finibus arteriarum stagnans, inflammationibus viscerum ibidem ansam præbet. Unde hepatitides, splenitides, ventriculi, intestinorum, mesenterii, uteri etiam atque vesicæ inflammationes, nec non nephritides, mictus cruenti, hæmorrhoides vesicæ, ortum suum ducunt. Aut etiam si sanguis ex vena hæmorrhoidali interna fluere nequit, cum in splenicam sese exoneret, quæ sui continuatione in venæ portæ ventralis truncum abit, (§. 5. n. 2.) a quo omnia infimi ventris organa ramos suos numerant, sic uti a sanguinis in arteriis intercepto itu celeres obstructions inflammationes nimirum, ita a sanguinis in vena portæ remora lentæ viscerum obstructions, infarctus, indurationes, abdominis tensiones, hypochondriorum durities, ipsum hypochondriacum malum, vomitus cruentus, cachexia, icterus, œdema, hydrops, febris lenta, pallida mors denique pededentim obrepere solet. Ita quidem, ut ob hæc circumstantias non injuste Vena portæ, in qua ob hæmorrhoides suppressas, omnia hæc contingunt, Portæ Malorum nomen meruerit, vid. STAHLII *Diff. de Vena Portæ Portæ malorum Hypochondriaco-Splenetico-Suffo-*

Suffocativo- Hysterico- Colico- Hæmmorrhoidariorum,
 & ALBERTI *Diff. de Hæmmorrhoidibus Anomalis,*
quæ exstat in Tract. ejusd. de Hæmmorrhoidibus p.
 311. Non vero in abdomine solum tragœdiam
 suam ludit, denegatus hic hæmmorrhoidum efflu-
 xus, sed & in remotas & dissitas itidem partes se-
 se propagant noxii exinde oriundi effectus sanguine
 quippe ad canales liberos majori in copia regurgi-
 tante eosque distendente. Unde pulmonum & pleu-
 ræ inflammationes, hæmoptyses, phthises, asthma-
 ta, palpitationes cordis, hydropes pectoris, angu-
 stias summas præcordiorum, catarrhum suffocati-
 vum, faucium, aurium, oculorumque multifarios
 affectus spasmodicos, inflammatorios, cephalæas
 pertinaces; catarrhales defluxiones, hæmmorrhagi-
 as narium, meningum inflammationes, melancho-
 lias, manias, apoplexias serosas æque ac sanguine-
 as; in artubus arthritica, rheumatica, podagrica
 accidentia; paralyfes, contracturas & sexcenta alia
 mala producere potest. Doctissime hæc explicat
 Ill. van SWIETEN *Comment in Boerb. Aph. §. 120.*
p. 184. sqq. verb. Dum obstructa vasa transmittere
nequeunt impulsa vi cordis liquida, debet in reliquis
vasis liberis hæere omne illud, quod per vasa obstru-
cta transire non poterat: cum enim obstructio semper
in arteriis sit omne liquidum quod pone locum obstru-
ctum in arteriis per venas redibit ad cor; illæ enim
facile deplentur: sic manebit eadem copia liquidi mo-
vendi, interim minuto canalium numero; hinc si no-
tabilis pars corporis in suis vasis obstructa sit, reli-
quæ partes necessario majori copia liquidi distendun-
tur; & inde fient omnes plethoræ effectus; & debe-
bit omne illud supra pondium liquidi vel manere in
vasis liberis distentis, vel debet augeri circulationis
 C velo-

velocitas, ut manente eadem copia liquidi, dato tempore per minores numero canales cor pellere possit sanguinem.

§. XII.

Leviores quidem noxas pariunt, *non tamen inson-
tes plane sunt albæ hæmorrhoides*, vel decolores, quæ,
cum mukum fundant albicantem vel sanguine tinctum
(§. 5. n. 4.) id molestiæ secum ferunt, ut vascula mini-
ma multum inde relaxentur, intestini recti tunicæ in-
de flaccescant. Aut, si spissior fit & stagnat hicce mu-
cus, acrimoniam induit; hinc fistulis lentis ansam
præbet. Imo cachexia, corporis pallor, macies, hy-
drops, lenta febris inducitur, si copiose excernitur hic
mucus. Vagæ hæmorrhoides si existunt, molimina
per longum jam antea tempus præcedere solent, &
omnia prædicta molesta symptomata experiuntur;
quamdiu illas expectant, sique non eveniunt, deterio-
ra adhuc, nempe emanentium vel suppressarum peri-
cula, incurrunt. (§. 11.) Quibus ob ætatem fluere non
debent, nihilominus tamen fluunt, illi non solum in-
signiter inde debilitantur, verum omnia incommoda
duplicata gravitate persentiscunt.

§. XIII.

En, Candide Lector, emolumenta, en etiam detri-
menta! quæ ex hæmorrhoidibus in corpus humanum
redundant, quænam ex hisce potiora sint, & an ne be-
nefitio potius an damno mortalium fluant hi rivi, fin-
cera æstimatione nunc ponderabimus. *Hæmorrhoidum
fluxum semper morbum esse*, nec ipsi earundem patro-
ni aut promotores in dubium vocabunt. Cum enim a
plethora, orgasmo sanguinis, aut spissitudine ejusdem
hicce fluxus natales ducat, (§. 7.) cum ob debilitata
jam antea & a tono suo dejecta vasa sanguis orgastice
motus

motus vel spissus per hæc potius vasa, quam per alia penetret, (§. 2.) omniaque hæc satis superque morbosam dispositionem arguant, solidaque ac fluida C. H. multifario vitio & morbo simplici peccare, antequam compositus hic morbus oriatur. Sanguis enim & humores quantitate vel qualitate peccantes, solida & vasa atonia adfecta, imo canalium cavitas per anastomosis aut diæresin aucta, morbi sunt consensu communi Pathologorum. Morbo igitur multiplici laborat, qui hæmorrhoidibus est obnoxius. A morbis igitur his curandus potius est talis, quam ut, hæmorrhoides in fluore conservando, hæc incommoda foveantur. Qui abundat nimirum sanguis corpori detrahendus, sic orgasmus ejusdem, sic spissitudo præcavebitur. Aut, si nihilominus molestias facessunt corpori, orgasmus temperandus, humores spissi, tenaces resolvendi & attenuandi, sic solidorum robur etiam restituetur attenuato illo, qui obstruebat, qui expandebat vasa, sanguine. Aut, si atonia vasorum nondum penitus sublata est, per tonica & roborantia solidorum tono ulterius prospiciendum. Sic igitur quicumque hos morbos simplices curabit Medicus, hæmorrhoidum morbum præcavebit, cohibebit, imo curabit.

§. XIV.

Ast, ubique coram tribunal Medicum citari ve-reor, quod cum hæmorrhoides, ceu morbum, curandas & cohibendas suadeam, beneficia sic, quæ mortalibus exinde exsurgunt, iisdem eripere velim. Quot enim, inquiunt, & quam periculosi ac rebelles morbi acuti æque ac chronici per illas critice solvuntur & funditus eradicantur. Verum est, non nego, & ipse jam confessus sum, (§. 8.) multos magnosque morbos iisdem tanquam remedio vinci ac auferri: cor-

roboratur etiam hoc tam antiquorum quam recentiorum medicorum observatis. Sic HIPPOCRATES *Aph. S. VI. n. 21. insanientibus si varices aut hæmorrhoides superveniunt, insanie solutio fit, & Aph. 11. ejusd. Sect.: melancholicis & nephriticis hæmorrhoides supervenientes, bonum prædicat.* Conf. alias observ. in *Clariss. HOFFMANNI Med. Rat. Syst. Tom. III. S. I. Cap. IX. §. 15. & 18.* Ita multi alii morbi jam recensiti (§. 8.) nullis aliis remediis debellandi, hacce evacuatione feliciter multoties sublati fuere. Sic vero morbus quidem unus alterum sanare potest, manet tamen ille, quo alter curatus fuit, semper morbus. Et, quemadmodum proprie loquendo, nullus morbus, nisi per accidens & relative solum benignus aut beneficus existere potest, ita &, dum hæmorrhoides alios morbos destruunt, ex eo, quod *per accidens quandoque eadem salutare evadant*, quod ideo semper in omni individuo, etiam extra morbosam affectionem, pro morbis præcavendis aut omni morboſa constitutione curanda, necessariæ aut proficuæ sint, non concludendum. Quemadmodum enim etiam per alias hæmorrhagias iidem affectus sæpe vincuntur & critice profligantur, teste præ aliis narium hæmorrhagia, quæ æque ac hæmorrhoides omnibus allegatis affectibus superandis par est, quod illi præcipue, qui cum mania, melancholia, cephalalgiiis pertinacibus, aurium oculorumque affectionibus serosis & sanguineis morbis acutis, exanthematicis, inflammatoriis, imo pluribus adhuc aliis morbis colluctantur, summo ipsorum beneficio experiuntur, non tamen ullus Medicorum narium hæmorrhagiam necessariam adeo proficuamque habebit, ut illam in hominibus provocare aut promovere omni opera studeat, illaque tanquam remedio & adminiculo ad morbos
aut

aut præcavendos aut curandos, idoneo efficacissimo-
que supersedere nolit, quin potius narium hæmor-
rhagiam extra tempus criticum, cuidam contingen-
tem, moderari, cohibere, aut sistere studebit Medi-
cus rationalis. Si itaque hacce methodo procedimus
quando & naribus exstillat sanguis, nimirum ut ple-
thoræ, orgasmo, spissitudini humorum, laxitati va-
sculorum in membrana pituitaria Schneideriana re-
ptantium mederi conemur, cur non æquali jure hæ-
morrhagiæ ani eodem modo ac narium hæmorrha-
giæ aliisque prospicere debeamus? cum utriusque
par sit ratio, causa, effectus & eventus nullo solido
argumento contrarium nobis probari potest.

§. XV.

Imo, concesso etiam, quod provocatæ apud
quosdam mortales in salutem vergere possint hæmor-
rhoides, (§. 14.) si tamen ingentem numerum eorum,
quibus in summum vertuntur damnum, cum exiguo
priorum comparamus, quibus bene cedunt, si etiam
apud illos ipsos, quibus a levissima causa eadem sup-
primuntur, omnia mala indicata (§. 11. & 5. n. 6.)
excitare possunt, quis momentaneum *hoc benefici-
um cum perpetuo metu conjunctum, ne in morbos
omnes, aut præsentaneum vitæ periculum conjiciatur,*
non lætus volensque sibi adimere fineret, aut illo ca-
rere mallet. Nonne apud perplures difficili nego-
tio ad fluorem demum deducuntur hæmorrhoides,
quam gravia tormenta, quam molesta symptomata
experiri coguntur, antequam fluant, (§. 5. n. 6.) quan-
tas in vena portæ turbas non concitant hæc moli-
mina, (§. 11.) ita, ut nullum viscus ramos inde ac-
cipiens, nulla membrana, vas nervusve fit, quæ in-
de non spasmodice convelluntur morbifice affician-
tur.

tur. Imo & in remotioribus & diffitis partibus ob nervorum consensum, sanguinisque impeditum circulum, spasmus, tensiones, vasorum oppletiones oriuntur, & tam in his quam in abdominalibus visceribus morborum acutorum æque ac chronicorum seges inde exsurgat. Et, si fluentibus tandem iis ab his liberantur symptomatibus, non diu ovare & securi existere possunt, quippe refrigeratio subitanea pedum aut corporis, ejusdem nimius motus, in cibo aut potu error quidam commissus, iracundia etiam, tristitia, abusus medicamentorum calidiorum, commoventium, aut refrigerantium quam facillime & citissime illas suppressere & in pristinum malorum gurgitem eos conjicere iterum potest. *Laudent igitur, ut verbis utar MAGNIFICI DN. HILCHEN, Universitatis Giessensis insignis decoris in Dissert. de Dolore Coxæ §. 11. p. 15. hæmorrhoides suas & ad cælum usque extollant, nobis sane laus hæc semper merito & ex jure suspecta erit. Est enim hæmorrhoidalis fluxus vacillantis sanitatis comes, & aurei illi montes, quos sibi hæmorrhoidarii Medici pollicentur, paraturiunt sæpe pœnitendos malorum successus.*

§. XVI.

Erunt verò, non dubito, multi, qui ab hocce incommodo liberari vehementer optarent, nisi ille timor eos retineret, quod cum fluxus hic evacuatio quædam naturalis existat, eundem temere & cum damno solum cohiberi, credant. At omnem evacuationem sanguinis esse præternaturale aliquid, omnemque hæmorrhagiam morbum esse, (§. 1.) non solum supra jam probatum ivimus, quoniam a sanguinis vitiis, a vasorum debilitate, (sed sunt hæc morbi) oritur, sed hoc etiam ita verum esse autumamus, ut menstrua etiam excre-
tio

tio non plane naturalis evacuationis nomen mereatur, quia ab iisdem causis dependet, & quia insuper dantur exempla feminarum non menstruatarum perfecte sanarum. Hæcce tamen, quia ob fœtus gestationem & nutritionem in sexu muliebri requiritur pro magis naturali haberi adhuc potest, reliquas vero omnes sanguinis excretiones, quæcunque sint, hæmorrhoidibus nequaquam exceptis, pro præternaturalibus evacuationibus & semper morbofis jure meritoque habendas esse censemus. *Nec in viris hæc veluti in feminis catamenia pro plethora ipsorum imminuenda æque necessariae, menstruaque sic virorum existunt,* quum non sint æque plethorici viri ac mulieres, nec superfluum adeo in aliquem scopum alere necesse habent mares sanguinem ac mulieres. Cum igitur æque ac reliquæ hæmorrhagiæ nostra præternaturalis sit, cur tolerari queat, iterum non perspicimus.

§. XVII.

Quid quod revera præter naturam contingere hunc fluxum exinde quoque manifeste probatur, quod raro sponte eveniat idem, sed solummodo ferre cieatur per sedentariam vitam per errores in diæta, imo per pharmacorum, magnesiæ, salinorum, resinorum, pilularum præcipue aloëticarum abusum, (§. 7.) ita quidem ut cordate asseverare audeamus, abhinc eo tempore, quo multis in locis corpora pilulis purgandi mos invaluit, hæmorrhoidalem demum fluxum productum & cognitum fuisse, cum antea in his locis ab eodem immunes vixerint homines. *Cel. HAMBERGERUS Diff. cit. de Hæmorrhoidibus §. 26. & Ill. HOFFMANNUS l. c. §. 13.* Ita quidem, ut cum arte potius & incondita medicatione inducatur, ex hoc capite etiam præternaturalis haberi

beri debeat. Hinc est, quod integræ adhuc nationes, veluti Galli, Hispani, Itali ab eodem immunnes, sani tamen vivant, apud quos rarissimus est, aut si forte evenit, critice in morbis, uti hæmorrhagiarum contingit (§. 14.) & humoribus abundantibus & noxiis per crisin evacuatis, non amplius se manifestat. Sed utuntur hi populi purgandi scopo solum minorativis, humectantibus, Rhabarbarinis, mannatis, tamarindinatis, cassiatis, passulatis laxantibus, non vero stimulantibus illis resinosis, salinis, sanguinem ad sedis venas derivantibus, fluxum sic irritando provocantibus.

§. XVIII.

Quod si vero ad ea, quæ hæcenus proposuimus (§. 13. ad 17.) animum serio advertimus, convicti erimus, quod

I. Hæmorrhoidum fluxus semper morbus quidam sit, (§. 13.) a multis aliis præexistentibus & simplicioribus morbis ortum trahens.

II. Quod licet multi morbi inde curentur, hoc tamen per accidens solum contingat, eodem modo, uti per hæmorrhagiam narium illud sæpe fit, (§. 14.) quam tamen omnes Medici, si non critice contingit, moderari student.

III. Quod infinitos morbos tam acutos, quam chronicos quolibet vitæ momento metuere debeant illi, (§. 15.) quibus vel non rite fluunt vel supprimuntur.

IV. Quod non sit evacuatio quædam naturalis, menstruæ mulierum similis, (§. 16.) adeoque necessario toleranda.

V. Potius per errores in regimine diætetico, per
phar-